

臨汾縣志 卷一序



叙

臨汾邑志肇修於萬曆辛卯  
安肅邢公越八十餘年至康  
熙癸丑而莆田林公修之又  
四十五年康熙戊戌瀛海宮

叙

一

公修之又十二年雍正己酉  
而大興徐公修之自是以後  
至於今已五十年當我

皇上久道化成重熙累洽之日士  
習民風蒸蒸日上其間純臣

義士孝子節婦接踵而起者  
指不勝屈而編次之事尚未  
有繼者余以丙申歲承乏茲  
土下車之後邑紳士卽有以  
是請者余方以不敏辭旣逾

敘

二

年政務稍暇藉紳士之請益  
力用是不揣樛昧爰及同志  
廣搜博採因於舊志缺者補  
之悞者正之冗者刪之疑者  
闕之凡爲綱十爲目四十有

八分門別類訂爲成書復與  
紳士之有學行者討論商榷  
至再至三托始於戊戌之秋  
七月凡四閱月至冬而告竣  
極知謏陋不足與於作者之

叙

三

林其於一邦文獻惟恐散佚  
亦猶前人志也筆削折衷歸  
於至當是望於後之君子是  
爲叙

乾隆四十二年歲次戊戌冬

十月文林郎知臨汾縣事庚

辰恩科舉人和陽高塘撰



叙

四

叙

周官小史掌邦國之志可農  
云志記也春秋傳所謂周志  
國語所謂鄭書之屬是也外  
史掌四方之志康成謂若魯

叙

之春秋晉之乘楚之檮杌是  
則志者一國之史也自秦變  
邦國爲郡縣而郡縣之志興  
焉若常璩華陽國志陸機洛  
陽記山謙朱育之吳興土地

記類不勝舉皆載一方之山川原隰土俗民風使人物其土宜明其利害達其志而通其欲齊其政而脩其教志之所關亦綦重哉然昔人有言

叙

二

作史之難莫難於表志後世作者既乏三長徃徃扳援先哲附會古蹟非誇多門靡卽因陋就簡昧作史之法失立教之本雖有志亦奚爲焉

隆丁酉余視篆襄陵聞臨汾  
高明府梅亭有事邑乘心  
竊避之已亥春梅亭以憂解  
組余自編關來宰是邦詢及  
志事則稿已脫而剗劂未竟

叙

三

也遂以見委且求潤色余取  
其書而讀之喜其文獻足徵  
無支離穿鑿附會之說而一  
邑之山川原隰土俗民風較  
若列眉洵足有裨於化理以

視古昔邦國四方之志雖未  
知何如其常璩以下允堪媿  
美矣 梅亭蒞此數年循聲  
遠著余於一切吏治悉循其  
規範則於是書亦何敢輕爲

叙

四


增損歟刻既竣爰以弁其簡  
端

乾隆四十四年歲次己亥夏  
五月文林郎知臨汾縣事承

清吳士淳撰

叙

五



邢雲路曰粵若稽古帝堯便章百姓百姓昭明斯民也自堯封歷百代文獻在焉壯哉汾邑實陶唐昭明之國而乃方策散逸誌錄爲缺者幾數千百年雖間有類述之者顧於是邑也攷焉而弗詳有之信焉而或舛有之亡微不信其誰與從僕乃馳騁前古蒐括隱牘綜覽名物計心輯衆成爲一家俾一編之中三才之道備焉賤臣小材敢揚斯緒上自黃唐迄於今日通爲邑志凡九篇其叙曰

參絡儲精冀方辨土比屋可封風淳自古陟彼姑射瀕眺康衢提封百里利我土腴永奠乃家出作入息尹臣司汾是圖是職述地理志第一

土階茅茨構自堯墟基命定命厥制不渝於顯康邑旣麗且都官衙學館治教維先雲氣山林宮闕像焉棲真曜景輪奐相連興華從道進耆之賢述宮室志

第二

禹乘四載帝都是亟吹澮順經艱食乃粒振古而後沃土毋逸平滂汾源洞溝澗汙舉揅興雲決渠墜

勉哉勸農利我禾黍述漕泃志第三

先王攸寶土地人民洪範首政食貨惟均生齒登耗  
原田稼穡和調公句艱哉民力勤斯不匱物產在焉  
不貴異物生生乃恬述旧賦志第四

地醞正氣神堯載興多男衍緒傳於漢京伊初舊墟  
康衢遺墅協帝我皇纂

堯之緒澤潤汾川民止其所述帝系志第五

剖符百里爲民保釐秩事以次官師相維牧存愛軌  
訓樹芳規範我後人如何勿思述職官志第六

臨汾縣志

卷八

二

於鑠唐封坤靈雄鉅乃毓碩人蜚聲宏樹顯隱順蹇  
歸潔則同名並河山相爲始終述人物志第七

履降豐荒吉凶悔吝何省非予天尤人勝告往知來  
畏茲明命亦有異端佛老之術疑以傳疑智者不惑  
述祥異志第八

篆肇頡史典傳陶唐述矣文朝實興是邦述作代有  
後先相望天籟吹萬大寂存旬如守處壁亦得蛩鳴  
述藝文志第九

林宏化

昔人有言誌國邑者權輿於禹貢及周禮之職方  
孟堅因之作漢地理志至後代皆有書而郡與邑又  
皆自爲紀乘誌之由來尙矣夫亦曰因事以徵文因  
文以徵事辨疆域正人心益治平扶風教非此不爲  
功迺言淆道遠文繁旨乖史之盛經所以靡也則志  
似可已雖然志又烏可已哉夫史以續經而歷代皆  
有史志以翼史王朝重采風而方域獻圖籍志與史  
固相表裏者也昌黎文起八代退謝不敢言史而柳  
州深致意焉誠重之也倘以志爲末務坐令文獻闕

焉弗講則前者罔聞後者莫攷將所謂辨疆域正人  
心益治平扶風教者安在耶余承

簡命謬分符臨汾拜帝堯之神祠而茅茨猶存識民風之  
儉也尋蒼頡之故里而鳥篆可觀得文字之始也以  
及望姑射如見冰雪之姿焉溯汾流不忘大禹之烈  
焉稽古有懷撫今動念不禁慨然曰臨汾固晉中一  
大都會也誌之弗備能無遺憾與然地衝政繁日夜  
不遑時恐隕越簿書之餘嘗披覽舊志矣舊志者安  
肅邢公修於明萬歷年間舉綱張目亦當世得失之

林也其足備史家采擇固自有在然世異則法制有  
因革時久則事故有損益我

國家文治日益盛政教日益興人才日益懋天道協於  
上人事應於下騷騷乎有加無已猗歟休哉雖遐方  
典章務必悉舉於是

詔天下郡邑紀乘各爲刪定而纂續之昭隆軌大一統也  
余奉檄增修敢不殫精竭慮窮幽闡微乃與淹貫經  
史之趙廣文采攬舊聞并延邑中之文望素著學行  
公正者訪輯輿論共襄厥成分門較類則仍乎舊宗

臨汾縣志

舊序

四

前哲也至於刪繁就簡各從其例而續以新裁則又  
竊取之義也後有因事徵文因文徵事以潤色宏藻  
成一代盛業是予之願也夫是予之願也夫若乃爲  
國家助流文教宣力政治明天道於勿悖辨人事而罔  
違則實余之執掌簿書惟恐隕越敢不勉旃以貽志  
乘羞凡蒞茲土而覩茲志者當作如是觀

徐三俊

余荷

殊恩於丙午仲冬蒞臨汾吏以縣志進體裁詳整文辭精

義哉具有良史才顧不能無疑者其於一時民風  
不勝好利樂禍之慮夫臨汾古唐封憂深思遠其風  
其盡民焉者乎何遽如所言之甚耶既又有以賦籍  
進者則積逋逾十年數且逾十萬爾絲不可爲逃賦  
爾可訓也噫信矣時歲已云暮頃未知端緒所在明  
春從太守後勸農四郊則見夫山川如故風景無  
殊習詩書者勤絃誦而棄耒耜者安襍稊絕無所爲  
剽悍強鷙之習也前之所信者又不能不轉而爲梟  
因旅進諸父老於庭問所以逋賦狀對曰歲苦旱有

年所矣庚子辛丑赤地千里當是時救死且不贍卒  
類

聖仁皇帝發帑蠲賑吾民始得有今日不然人之不有其  
遑問賦更疊諮詢對畧同則詔之曰爾民亦知念  
主德乎卽逋賦得至於今亦

止德也而不思所以報則

國有常典徒負惡名以爲天下後世羞其曷早爲計且  
上之所以爲爾民者亦至矣柰之何爾不自爲耶諾未甲  
諸父老感且泣謂吾民誠負

亦何敢終負顧爲數多誠不能須臾供願得  
先後且願得少寬假遂各自爲限而去欽惟我  
皇上軫念民瘼輕徭薄賦美不勝述

諸憲臺又皆仰體

皇仁惠養時殷比年感召

和連登大有民力用舒新舊賦皆得以次清完不寧惟是  
頃軍需駝屨凡有作料與諸能工作之人無不踴躍  
輸効與之直必再三詔之而後肯受而又爭先捐運  
務圖申報嗟乎好利而樂禍者顧能若此耶然則信  
無可信而疑難可疑也蓋愚欲爲諸父老一洗此羞  
而時有未遑亦才有不逮適奉

旨修山西通志檄徵各郡縣志以備考核而戶口有歸併  
田賦有增墾多舊志所無余乃不得以不才辭於是  
增闕補遺時有損益而大槩規模一切仍舊則論是  
述而不作之遺意事既竣復進邑孝廉王子名穀徐  
子文鳳鄭子維綱王子師諸君子商確考訂舉無異  
議焉顧余深有望焉者吾民幸得生堯舜之地又得

堯舜之君尚其士修實行不農勤力作以日進於比屋可軌  
之舊庶不至我疑前人復使後之人疑我也云爾